

Mid-Day Dogri News Bulletin, 17th Augsut 2024

समे – 12:25

<><><><><><>

Voice of Global

भारत अज्ज त्रिये कुल संसारी दक्खन शिखर सम्मेलन यानि वॉयस ऑफ साउथ समिट दी वर्चुअल ढंगे कन्नै मेजबानी करोग। इस शिखर सम्मेलन दा विषय ऐ “इक टिकाऊ भविकख लेई इक बाख्त्यार कुल संसारी दक्खन”। विदेश मंत्रालय दे प्रवक्ता रंधीर जयसवाल होरें नमीं दिल्ली च पत्रकारें गी जानकारी दिंदे होई आखेआ जे सब्बने कुल संसारी दक्खन मुखें गी इस शिखर सम्मेलन च शामिल होने दा साददा दित्ता गेदा ऐ। एह सम्मेलन दुनिया पर असर पाने आले पलेचमी बक्ख-बक्ख चुनौतिएं जित्थें युद्ध, खुराक ते ऊर्जा सुरक्षा दा संकट ते जलवायु तब्दीली समेत मसले बारे सोच बचार करने दा इक मंच होग। शुरूआती इजलास मुख्य दे प्रमुख ते सरकार दे स्तरै पर होग। प्रधानमंत्री मोदी होर एहदी मेजबानी करगंन। विदेश मंत्रालय दे प्रवक्ता नै एह बी जानकारी दित्ती ऐ जे त्रिये गेड़ च 20 अगस्त गी भारत ते जापान दे विदेश ते रक्षा मंत्रिणं दी मीटिंग होग। श्री जयसवाल होरें दस्सेआ जे रक्षा मंत्री राजनाथ सिंह ते विदेश मंत्री डॉ. एस.जयशंकर होर भारत आस्सेआ इस बैठक च शामिल होंगन। बंगलादेश दी स्थिति बारे पुच्छे गेदे सुआले दा परता दिंदे होई श्री जयसवाल होरें आखेआ जे भारत सरकार नै इस स्थिति उप्पर नेड़मी तक्क रखी दी ऐ। उनें मेद जताई ऐ जे तौले गै उत्थें हालात सामान्य होई जांगन ते हिंदू ते अल्पसंख्यक उत्थें सुरक्षत रौंहगन।

<><><><><><>

JK Election

जम्मू कश्मीर च विधानसभा चुनाएं दी घोषणा करी दित्ती गई ऐ। जम्मू कश्मीर च मतदान 18 सितम्बर, 25 सितम्बर ते पैहली अक्टूबर गी कुल त्रऊं गेड़ें च करोआया जाग। जम्मू कश्मीर दी 90एं विधान सभा सीटें लेई पाए जाने आले वोटें दी गिनतरी 4 अक्टूबर गी होग ते उस्से रोज चुनां नतीजे बी आई जाने दी मेद ऐ। राजीव कुमार होरें दस्सेआ जे नामांकन दाखल करने दी प्रक्रिया 20 अगस्त कोला शुरू होआरदी ऐ। मुख्य चुनां आयुक्त होरें दस्सेआ जे जम्मू कश्मीर दिणं 90 विधानसभा सीटें लेई मेदवारें दे भविकख दा फैसला करने लेई योग्य मतदाताएं दी गिनतरी 87 लक्ख कोला मती ऐ। पैहले गेड़ तैहत् 24 सीटें लेई मतदान 18 सितम्बर गी पुलवामा, अनंतनाग, शोपिया, कुलगाम, रामबन, किशतवाड़ ते डोडा

जिले च करोआया जाग, जिसलै जे दुए गेड़ तैहत् 26 सीटें लेई 25 सितम्बर गी गांदरबल, श्रीनगर, बडगाम, पुंछ, रियासी ते राजौरी जिले च ते खीरी गेड़ तैहत् पैहली अक्टूबर गी 40 सीटें लेई मतदान बांडीपोरा, कुपवाड़ा, बारामुला, उधमपुर, जम्मू, साबां ते कठुआ जिले च होग। उनें दस्सेआ जे जम्मू कश्मीर च ग्रामीण ते शैहरी इलाकें गी रलाइयै कुल 11 ज्हार 800 मतदान केन्द्र बनाए जांगन।



Political Reaction

नैशनल कांफ्रेंस, बीजेपी, पीडीपी, कांग्रेस, अपनी पार्टी, डैमोक्रेटिक प्रोग्रेसिव आजाद पार्टी ते सीपीआई(एम) सनें सारे राजनीतिक दलें ते आम जनता नै जम्मू कश्मीर च विधानसभा चुनाएं दी घोशणा दा सुआगत कीता ऐ। केन्द्री मंत्री अमित शाह होरें जम्मू कश्मीर च विधानसभा उचुनां दे ऐलान दा सुआगत कीता ऐ। इक सोशल मीडिया पोस्ट च शाह होरें आखेआ जे जम्मू कश्मीर च सरकार दे शांति, विकास ते मजबूत प्रजातंत्र दा नमां माहौल बनाए दा ऐ। एहदे आस्तै सरकार पिछले 10एं बरें दा कम्म करा'रदी ऐ। उनें आखेआ जे विधानसभा चुनाएं कन्नै जम्मू कश्मीर च लोकतंत्र दी जड़ां मजबूत होंगन ते विकास दा नमां दौर शुरू होग। उनें जम्मू कश्मीर दे लोकें गी चुनाएं च बधियै चढ़ियै हिस्सा लैने दी अपील कीती ऐ। जम्मू कश्मीर कांग्रेस पार्टी दे कार्यकारी प्रधान, नैशनल कांफ्रेंस दे प्रधान डॉ. फारूक अब्दुल्ला, पीडीपी नेता इल्लिजा मुफ्ती, सीपीआई(एम) नेता युसूफ तारीगामी, डीपीएपी दे अध्यक्ष गुनाम नबी आजाद होरें जम्मू कश्मीर च चुनाएं दी घोषणा पर खुशी जाहर कीती ऐ।



Machail Yatra

श्री मचेल माता जी दी सलाना छड़ी यात्रा अज्ज बड़े धार्मिक, जोश ते उल्लास कन्नै जम्मू थमां किश्तवाड़ लेई रवाना होई गई। एह यात्रा जम्मू कश्मीर सर्व शक्ति सेवक संस्था आस्सेआ आयोजित कीती गई ऐ। ढोल दी थाप उप्पर नचदे, भजन गांदे ते उत्साह कन्नै भरोचे दे यात्रु इस यात्रा च शामिल होए। लद्दाख, जम्मू ते कश्मीर इकनामिक ग्रोथ ते डवैलपमेंट डायलाग नै मकामी पकवान(फीमर) यानि जऊं सत्तु दे लड्डू गी प्रसाद दे तौरा उप्पर लोकें गी देने लेई गनाया। श्री मचेल माता भवन परिसर च इक खास कारुंटर लाया

गेआ जेहदे च भक्ते गी एह प्रसाद दित्ता जाग। एह पैहलकदमी ना सिर्फ स्वस्थ प्रसाद दे महत्व बारे जोर दिंदी ऐ सगुआं इंदे कन्नै इस क्षेत्र दे आर्थिक विकास च बी योगदान होग।



Media Accreditation

जम्मू कश्मीर मीडिया एक्क्रेडेशन कमेटी दी अध्यक्षता डरैक्टर इनफरमेशन जेएंडके जतिन किशोर होरें कीती जेहदे च उनें न्यूज़ मीडिया नुमायंदे दे पक्ख च मानताएं दी मंजूरी गी खीरी रूप दित्ता। कमेटी नै बक्ख-बक्ख न्यूज़ मीडिया दे नुमायंदे थमां मिले दे आवेदनें दी समीक्षा ते जांच कीती। कुल 412 आवेदन मिले जेहदे च जम्मू थमां 207 ते कश्मीर थमां 205 आवेदन मिले। जेकेएमएसी नै मान्यता देने लेई कुल 262 न्यूज़ मीडिया दे नुमायंदे गी खीरी रूप दित्ता ऐ। एह बी फैसला लैता गेआ जे जेहड़े बी पत्रकार डीआईपीआर कन्नै मान्यता हासल करने च रुचि रखदे न, ओह अपने पूरे आवेदन डीआईपीआर दफतर जम्मू ते श्रीनगर च जमा करांगन।



IMA Strike

भारतीय मैडिकल एसोसिएशन आईएमए नै पच्छम बंगाल दे सरकारी मैडिकल कालेज आर.जी. कर मैडिकल कालेज ते अस्पताल कोलकाता च इक महिला डाक्टर कन्नै बलात्कार ते उंदी हत्या दे खलाफ अज्ज 24 घेंटे दी राष्ट्रव्यापी हड़ताल करने दा आह्वान कीता ऐ। आईएमए नै अज्ज बडलै 6 बजे थमां ओपीडी ते दूर्ई आम सेवां बंद करने दी अपील कीती ऐ। संगठन नै पीड़ित महिला डाक्टर आस्तै इंसाफ ते स्वास्थ्य कर्मिं दी सुरक्षा आस्तै केन्द्री कनून दी मंग कीती ऐ। इस दरान केन्द्री स्वास्थ्य मंत्रालय नै निर्देश दित्ता ऐ जे डाक्टरें कन्नै हिंसा मामलें च 6 घेंटे दे अंदर एफआईआर दर्ज कराई जानी लोडचदी ते एहदी जिम्मेवारी संस्थान दे प्रमुख दी होग।



Para Olympics

अजे तौडी दा सब्बने शा बड्डा 84 खडारिएं दा दल इस ब'रे होने आले पैरा ओलंपिकस खेड्डें च हिस्सा लैग। पैरा ओलंपिकस खेड्डां इस म्हीने दे 28 तरीक थमां 8 सितम्बर 2024 तौडी चलगंन। 47 खडारी इनें खेड्डें च पैहली बारी हिस्सा लै'रदे न। पिछली बारी दी टोक्यो च होई दी पैरा ओलंपिकस खेड्डें च भारती खडारिएं उम्दा प्रदर्शन कीता हा।

<><><><><><>